

بِسْمِ اللَّهِ الرَّحْمَنِ الرَّحِيمِ

Jalsa Salana

DISCOURS D'OUVERTURE

HADHRAT MUHYI-UD-DIN AL-KHALIFATULLAH

Munir Ahmad Axim

14 Octobre 2016
(13 Muharram 1438 AH)

Après ki li fine salué tous so bane disciples (et tous bane musulmans) entier le monde avec la salutation de paix dans l'Islam, Hazrat Muhyi-ud-Din (atba) fine lire Tashahhud, Ta'uz, Surah Al Fatiha, et li fine ensuite axé so discours lor « La Nécessité pou Développe ene La Faim pour la Spiritualité »:



Ena ene grand nombre de bane dimounes ki vine dans bane programmes religieux et bane réunions, mais kan zot sorti de là, zot aller en étant aussi vide couma zot ti été avant zot vine dans sa bane

programmes là. Dans aucune façon zot pas touchés par sa et ni zot chanzé pour le mieux. Sans doute, zot capave exprime zot appréciation de sa Khutba ou discours ki zot tendé là et zot capave même bien félicite sa orateur ki zot pé écouter là pour so bane paroles inspirant; mais sa arrête là-même. Li pas alle plisse ki sa. Généralement sa bane kalité dimounes là zot jouir et montrer ene appréciation pou bane discours élokan de bane orateurs dans même façon ki zot capave jouir et apprécié ene chanté agréable ki zot écouté; mais kan tout fini l'effet là aussi disparaîte complètement. Ki sanlà fautif là-dans ? Orateur là? Sa li grandement le cas seulement dans la mesure si sa orateur là so façon pou convié message ki li envie passe à l'assistance li fade, monotone ou généralement ennuyeux; aparte sa, faute là pas trouve avec sa orateur là.

Faute là vine avec bane dimounes dans l'assistance là-même parski zot pas ena ene la faim pour bane manzé spirituelle. Dimoune capave vivre dans bane l'endroits sains, zot capave aussi ena à zot disposition ene alimentation saine, mais seulement zot pas profite de sa bane kitchoses là en aucune façon. Zot senti zot déconnecté avec sa bane kitchoses là et zot pas tire aucune plaisir de sa. Sa c'est ene l'exemple ki mo pé donne zot de la nécessité physique ki le corps humain bizin, couma, en d'autres mots, l'air frais, bon manzé, bane linze propre et décent et ene bon place pou habité. Malgré sa bane éléments essentiels de la vie ki zot ena là, même kot zot ena plisse ki bane nécessité de base ki zot bizin pou vivre, malgré sa zot senti zot vide, et zot capave même tombe malade. Astère, ki arriver en ce ki concerne l'âme? Eski li pas bizin de so nourriture pour prospérer? La nourriture de l'âme c'est tout bane kitchoses de bons, bane paroles agréables tels ki bane commandements d'Allah Le Tout-Puissant et bane paroles de so bane messagers ki éveille li et kot alor li pran conscience de so *Rab* (Seigneur, Allah), et kot sa fer li gagne le goût pou accède à So présence (à la présence d'Allah) et pou gagne So l'amour, so miséricorde et so satisfaction. Mais boucou fois, l'homme pas pran compte le message d'Allah; li pas ressenti le besoin pou connecter li à so *Rab*. Li senti li vide spirituellement. Li pas tire aucune plaisir dans spiritualité, li pas tire plaisir dans n'importe ki z'affaire ki spirituel.

Li vivre au milieu de beaucoup de guidance spirituelle mais seulement li pas ena aucune l'appétit pour sa. Allah fine fourni nous manzé ki vine du ciel, mais la plupart d'entre nous pas faim de tout sa là. Seul bane ki ena l'appétit spirituel apaize zot la faim avec bane fruits célestes ki Allah accorde zot pou soutenir zot non seulement dans sa la vie temporaire ici-bas là, mais aussi pour la vie à venir (c'est-à-dire, l'au-delà). Allah fine fourni bane la lois et bane directives divines pour nous bien-être spirituel, mais malheureusement, beaucoup d'entre nous pas ena l'appétit pour So provision céleste (ki vine de Li, du ciel). Bien malheureux sa ! C'est ene vrai gaspillage de la vie! Allah

(twa) dire dans Quran Shareef: « **En vérité, dimoune ki pli honorable dans lizié d'Allah c'est celui ki le plus juste.** » (Al-Hujurat 49: 14).

Celui ki cherche avec ene grand désire et fer zéffore pou apaize so la faim spirituelle, alors sa dimoune là tout les temps li pou cherche et absorbe la nourriture spirituelle. Li nourri so l'esprit avec bane pensées saint et cherche sans cesse pou améliore so caractère kot li considère sa couma so premier devoir. Sa c'est l'objectif central de so la vie. So désir le plus profond c'est pou monter plus haute encore et encore l'échelle de succès spirituel en vivant so la vie pleinement dans le sens spirituel, parski li conné ki c'est dans le spirituel ki ena vrai bonheur pour li, à la fois dans sa lé monde là et dans l'au-delà. Li rode vivre so la vie dans façon ki Allah (twa) apprécié de li. Li cherche sans cesse pou améliore li-même dans sa but là en étant conscient ki Allah (twa) pé trouve li dans tout saki li pé faire et pensé ; parski en vérité, Allah (twa) conne le contenu de so lé cœur, de so l'esprit et de so l'âme ; en bref, tout saki constitué li en tant ki ene créature d'Allah, ene être humain, et donc l'homme, en particulier ene musulman croyant ki ressenti la beauté de l'appel d'Allah dans so lé cœur bizin fer beaucoup beaucoup zéffore, sacrifice et la prière pou récolter le plaisir d'Allah. Kan li pé fer zéffore pou plaire à Allah (twa), li pé en même temps fer li-même plaisir, parski li senti li rassasié (bien rempli et satisfait) de la nourriture spirituelle ki li recevoir. So lé cœur, l'esprit et l'âme reste toujours bien éveillé et absorbe tous bane commandements divines ki li recevoir, ainsi ki bane conseils et bane bons paroles ki pou aide li pou faire ene analyse de li-même afin ki li fer ene réforme de li-même parski so désir primordiale c'est pou atteindre la perfection dans l'amour d'Allah (twa).

Voilà saki le Saint Prophète Muhammad (saws), le sceau de tous bane prophètes, ainsi ki tous bane les autres prophètes (as) fine prêché et c'est nous devoir en tant ki musulmans croyants pou vivre nous la vies lors sa bane préceptes là et prend plaisir dans sa bane nourritures spirituelles merveilleux là ki garanti la félicité et le salut de nous l'âmes dans lizié d'Allah. Ki Allah (twa) permette nous pou faire sa, et mo prié Allah pou ki sakaine d'entre zot, et bane ki pou recevoir sa message là plus tard médite lor sa bane conseils précieux là pour ki zot apprane pou gagne et cultive en zot-même sa l'appétit pour la spiritualité là parski ena là-dans ene bienfait pour zot propres personnes même, à la fois dans sa lé monde là et dans l'au-delà. Ki Allah permette zot tous pou faire sa et pou bénéficier de tout le bien ki vine de Li. *Ameen.*